

Ceremonia Protocolar y Cultural na Plaza Betico Croes

Diadomingo atardi y anochi

ORANJESTAD - E actividad riba Plaza Betico Croes lo inicia Diadomingo 25 di Januari pa 5:15 di atardi cu Musica di De Trupialen, despues pa 5.30 PM lo tin Yegada di invitadonan. 5.45 PM ta continua cu yegada di Mandatarionan na Plaza Libertador Betico Croes. Mas despues pa 5.55 PM ta yega su Excelencia sr. Gobernador di Aruba Sr. Fredis Refunjol y su distinguido esposa. Pa 6.00 PM lo tin Himno di Aruba interpreta pa De Trupialen pa 6.05 PM lo tuma luga entrega



di Ofrenda Floral pa Parlamento di Aruba, sigui pa Gobierno di Aruba, despues pa Famia Croes y por ultimo Fundacion Betico Croes.

E actonan protocolar ta yena di actividad y tur hende por participa na e evento aki. Mas despues lo sigui presentacion Poesia di Nena Ponson, despues Discurso di Prome Ministro Señor Nelson Orlando Oduber, despues lo tuma luga presentacion Poesia door di Julia Wever – Un Obsekio pa Betico, e grupo di De Trupialen ta bolbe haci un presentacion. Pa 6.35 PM lo tuma luga clausura Ceremonia Protocolar unda lo interpreta e Himno di Aruba interpreta pa De Trupialen.

Mesora despues cu e actonan protocolar termina, lo cuminsa cu e manifestacion cultural. Pa 6.40 PM lo tuma luga Felicitacion na Mandatarionan di Aruba, conhuntamente cu presentacion di De Trupialen. 6.50 PM invitacion dignatario y invitadonan pa tuma asiento pa inicio di Ceremonia Cultural, mas despues lo sigui mesora 7.00 PM Discurso Su Excelencia Minister di Labor, Cultura y Deporte Sr. T.F. Ramon Lee, sigui pa 7.10 PM Presentacion di “Concierto di Nos Hobennan – “Nos Futuro” Orkesta Musical – b.d.d. Hildward Croes, pa 8.30 PM Clausura programa - Manifestacion Cultural y pa 8.45 PM e grupo musical di Aruba Orkesta Musical – OREO lo haci nan presentacion y por ultimo 10.00 PM lo clausura e actividadnan di e atardi pa anochi aki

Ta bon pa trece padilanti cu mescos cu aña pasa tanto e programa protocolar como cultural lo tuma lugar den oranan di atardi y anochi. Esaki ta haci cu durante di e dia ey mes un y tur ta haya oportunidad pa acudi na tur e otro actividadnan cu lo tuma lugar den diferente barrio di Aruba.